

Matxoelacarta, Pedro lelpox, Jesús pejwɔajan naexasitiliajwa

Pedro lelpox carta Jesús pejwɔajan naexasitiliajwa

1 Xan Pedro, Jesucristo pej-apóstolan, lelx ampacarta xamal Dios pejiwampimliajwa. Xamal nejpaklowaxan-xot amwɔtjel atɔaj nasaladuilampim. Asewam duilam Ponto tɔajɔxot. Asewam duilam Galacia tɔajɔxot. Asewam duilam Capadocia tɔajɔxot. Asewam duilam Asia tɔajɔxot. Asewam duilam Bitinia tɔajɔxot. **2** Xamal nalaela-emil wɔt, waj-ax Dios chajia nejchaxoel, xamal makanosliajwa japon pejiwaliajwam. Matabijtbejpon xamal isaxaelampox, pachaempoxan japonliajwa. Amwɔtjel xamal Espíritu Santo makanot naexasisliajwam Jesús pejwɔajan. Samata, amwɔtjel Dios xamal beltaen babijaxan isampoxanliajwa, Jesucristo tɔp xot. Xan Dios kawɔajɔxot xamal xabich kajachawaesliajwa chiekal duilaliajwam, asew jiw sɔapich.

Dios tapaeyaxaelpox duilaliajwa Diosxotse naexasiti Jesús pejwɔajan

3 Xatis jɔmchiyaxaes Diosliajwa, japon wajpaklon Jesucristo paxliajwa: “Xam xabich pachaemam” —chiyaxaeson. Jesucristo mat-ech xot pejme dukaliajwa, Dios xabich nakbeltaen xatis babijaxan isaspoxanliajwa. Samata, Diosliajwa, pajelnejchaxoelaxan xotch, me-ama jelnalaelas wɔt, jatis amwɔtjel. Samata, wɔajɔxotse Dios xabich xabich pachaemam. Japox toepaxil. Ommaenkaxaelbejpon. **5** Japox Dios nakchaxduaxael jaxotse, xanaboejas wɔt Cristo. Xatis ampathatat laelpas wɔt,

Dios naktataeful. Asamatkoi, ampathatat matdukamatkoi wut, xatis matabijaxaes Dios nakchaxdusaxaelpox.

6 Samata, xabich nejchachaemlaxaelam, laelpam wut. Xamal nabijatam wut nejmachxapaejapoxantat, nakiowa xamal nejcha-chaemlaxaelam. **7** Dios tapaei wut xamal nabijasliajwam, jasoxtat Dios xamal xapaeja matabijsliajwapon, diachwujnakolax xamal chiekal naexasitam wut Jesucristo pejwujajan. Jiw xapaeja oro jitat matabijaliajwa, diachwujnakolax orokola wut. Diosbej jachiyaxael xamalliajwa, xamal xapaeja wuton Jesucristo pejwujajan naexasitampoxliajwa. Japox kaes pejme ommaenk Diosliajwa. Me-ama oro, jachi-el. Japoxbej toepaxil. Xamal nabijatam wut, jnakiowa Dios xanaboejim! Ja-am wut, asamatkoi wajpaklon Jesucristo pask wut athulelsik, nejchachaemlaxaelon xamalliajwa.

8 Xamal najut tae-emil Jesucristo. Pe nakiowa, japon nejxasinkam. Naexasitambej japon pejwujajan. Samata, nejchachaemlam japonliajwa. Japanejchachaemlax xabich pachaem xamalliajwa. Pe xajura-emil asew jiw chiekal chanaekabuanaliajwam xamal nejchachaemlampoxliajwa, japibej matabijaliajwa, ma-aech nejchachaemlampox. **9** Dios xamal bu'weyaxael, naexasitam xot Jesucristo pejwujajan.

10 Chajiakolaxtat profetas xabich estudia Dios pejjamechan. Wujajnachaemtbejpi chiekal matabijaliajwa, machiyaxael Dios jiw bu'welija wut. Profetas matabija wut, japi naewujajan jiw Dios beltaeyaxaespo xapi babijaxan ispoxanliajwa. **11** Profetas matabija Espiritu Santo pijaxtat Cristo nabijasaxaelpox puexa jiw babijaxan ispoxanliajwa. Matabijabejpi Cristo tupaxaelpox. Do jawut, pejme kaxaxoeipon pax Dios poxase ekaliajwa pok-lalel tato'lalialjwapon, pax suapich. Samata, profetas nakaewa nawujajnachaemt wut, najum-aechi: “¿Achatmatkoitatkat, Cristo pasaxoek ampathatasik? Japon pask wut, ¿machiyaxaeskat xatis matabijaliajwas japon?” —na-aechi nakaewa. **12** Profetas laelp wut, matabija asamatkoi japi pejwulela jachiyaxaelpox. Japox matabijapi, Dios kajachawaech xot. Samata, xatis amwutjel laelpaspis profetas pejwulela, matabijas japi profetas jum-aechpox Cristoliajwa, japox xatisliajwa. Amwutjel asew jiw japawujajan naewujajan asew jiwliajwa, japibej bu'welija was. Japi naewujajan wut asew jiwliajwa, Espiritu Santo kajachawaechpi. Japon Dios to'akaspon. Ángelesbej japoxan chiekal kaes matabijasia.

**Dios nakmakanotpox xatis, Jesús pejwɯajan
naexasichpis, isasamatas babijaxan**

13 Xamal Dios pejjiwam xot, ¡majt chiekal nejchaxoelde isaxaelampox! ¡Xamal najut chiekal natataefuldebej babijax isasamatam! ¡Wɯajnewesfuldebej Jesús pasaxoekpox! Jesús pejme fuloek wɯt, Dios puexa xamal bɯ'weyaxael, me-ama Dios chajia jɯmdut xamal bɯ'welijaw babijaxan isampoxanliajwa. **14** ¡Isfulde waj-ax Dios tato'alpox! Nejchaxoelam wɯt, ¡nabej nejchaxoele' babijaxan isliajwam, majt isampoxan, Dios naexasis-emil wɯtfɯk! **15** ¡Duilafulde, me-ama Dios nejxasink! Japon xamal makanot japon pejjiwaliajwam. Japon pajut pachaem. Babijax is-elon. **16** Dios pejjamechan, chajia lelspos, jɯm-aech wɯt, jɯm-aechox Dios jɯm-aechpox: “¡Nabej is babijax, xan xabich pachaeman xot!” —aechox.

17 Xamal Dios kawɯajnam wɯt, jɯm-am: “Taj-ax Dios” —am. Dios puexa pejjiw taen wɯt, paklochow, paklochow-elibej, puexa chiekal taenpon. Samata, Dios jɯmchiyaxael kaenanɯla jiw, babijaxan is wɯt, o, babijaxan is-el wɯt. Samata, ampathatat laelpam wɯt, ¡pomatkoicha chiekal duilaxaelam Diosliajwa! **18** Xamal majt napeltam Diosliajwa, duilam xot, me-ama nejwɯajnapijiw. Pe japox pachaema-el Diosliajwa. Xamal chiekal matabijam. Cristo tɯp mosliajwa xamal babijaxan isampoxanliajwa xamal bɯ'welijawapon. Cristo pejmosax toepaxil. Me-ama oro, platabej, jachiyaxil japox. **19** Cristo tɯppox xabich ommaenk, japon Dios paxɯlan xot. Samata, Cristo tɯp wɯt cruztat, moton jiw babijaxan ispoxanliajwa. Cristo boesas xatis babijaxan isaspoxanliajwa. Me-ama cordero chimian xɯa'las ofrenda isliajwa Diosliajwa, jatisbej Cristoliajwa. **20** Chajiakolaxtat, Dios is-el wɯtfɯk ampathat, Dios nejchaxoel Cristo tɯpaliajwa xatisliajwa. Baxael, Cristo nalaelt ampathatat dukaliajwa, tɯpaliajwabej mosliajwapon xatis babijaxan isaspoxanliajwa. **21** Xamal matabijam Cristo pejwɯajan. Samata, chiekal Dios xanaboejam. Cristo tɯp wɯt cruztat, Dios mat-echpon pejme dukaliajwa. Jawɯx bɯfloispon athɯ poxase ekaliajwa pax Dios poklalel, puexa jiw tato'lalijaw. Samata, xamalbej Jesucristo pejwɯajan naexasitam xot, Dios xanaboejam pomatkoicha duilalijawam japonxotse.

22 Amwütjel xamal kofam babijaxan isampoxan, naexasitam xot diachwüajnakolaxpox, Jesús pejwüajan. Samata, xamal chiekal nejxasinkam asew jiw, naexasiti Jesús pejwüajan. ¡Nakaewa chiekal nanejxasinkafulde! **23** Jesús pejwüajan pomatkoichaliajwa. Japox toepaxil. Naexasitam xot Jesús pejwüajan, xamal amwütjel, me-ama jelnalaelam wüt, ja-am Diosliajwa, duilaliajwam pomatkoicha Diosxotse. Xamal pejme nalaela-emil nej-ax pijaxtat. Me-ama majt nalaela nej-enxot, jachi-emil. Samata, xamal nejnejchaxoelaxan, pajelnejchaxoelaxan, me-ama nej-axjiw pejnechaxoelaxan, jachi-el. **24** Dios pejjamechan, chajia lelsopox, pajut jum-aech toepaxilpoxliajwa:

“Puexa jiw, ampathatpijiw, piach laelpaliajwa-el. Me-ama naetalan piachliajwa-el. Selil wüt, nachola satadik. Ja-aechlap-is jiw. Ja-aechbej jiw pejew, xabich pachaempoxan. Japoxanbej pomatkoichaliajwa-el.

25 Pe Dios pejjamechan toepaxil” —aechox.

Asew jiw japajamechan naewüajan Dios xamal bu'weliajwa.

2 Samata, ¡kofim puexa nejmachbabijaxan, majt isampoxan! ¡Kaes nabej naekichachajbe'bej! Babejchowam wüt, me-ama pachaemam wüt, ¡nabej kabuan-aechbe'bej! ¡Nabej nusasiowle'bej asew jiw! ¡Nabej buxwüajanmaenke'bej asew jiwliajwa! **2** Yamxi, jelnalaelapi, mitan af mamnikaliajwa. ¡Xamalbej Dios pejjamechan xabich nejxasinkde nejnejchaxoelaxan kaes mamnikaliajwa Diosliajwa! Dios pejjamechan, me-ama naxaeyaxan wüt, ja-aech xamalliajwa. Chiekal matabijam wüt Dios pejjamechan, Dios kaes xanaboejaxaelam xamal bu'weliajwa. **3** ¡Jachiyaxaelam xamal, chiekal matabijam xot Dios xabich pachaempon!

Amxot jum-aechpox Diosliajwa Jesucristo, me-ama matxoelapijt, ia't

4 ¡Xamal nejxasinkde kaes chiekal matabijaliajwam wajpaklon Jesucristo pejwüajan! Dios to'a japon tupaliajwa puexa jiwliajwa. Samata, Jesucristo, me-ama ia't, matxoela-echpot, xabich ommaenkpot, isliajwa Dios pejba, ja-aechon. Japon, me-ama ia't, mastaenspot, ja-aechbejpon asew jiwliajwa. **5** Jesús pejwüajan naexasitam xot, Diosliajwa, xamalbej, me-ama ia' wüt, ja-am Dios pejba isliajwa. Xamalbej, sacerdotes, najut Dios kawüajnafulam xot, isfulam xotbej Dios pijax bichaxan. Xamal

ja-amsfulam wut, Jesús pejiwam xot, Dios nejchachaemlaful xamalliajwa. **6** Dios pejjamechan, chajia lelspos, jum-aech wut, jum-aechox Dios jum-aechpox Jesucristoliajwa:

“Xan makafitxpon dukaxael Jerusalén paklowaxxot.

Japon xabich kaes pachaem xot, me-ama ia't, kaes pejme pachaempot itfech-ia'xot, ja-aechon. Samata, jiw, naexasiti japon pejwujajan, asamatkoi japi jumchiyaxil: ‘jJapon xanaboejas xot, napeltas Diosliajwa!’ —chiyaxil jiw” —aech Dios jum-aechpox Jesucristoliajwa.

7 Xamal nejchaxoelam wut Jesúsliajwa, jum-am: “Jesús, me-ama ia't, xabich kaes ommaenkpot, ja-aechon” —am, nejchaxoelam wut. Asewlex, Jesús pejwujajan naexasis-eli nejchaxoel: “Jesús, me-ama ia't, pachaema-elpot, ja-aechon” —aechpi, nejchaxoel wut. Jasox japi nejchaxoel Jesúsliajwa, pat xot Dios jumdutpox. Dios pejjamechan, chajia lelspos, jum-aech wut, jum-aechbejpox Jesúsliajwa:

“Ia'bachan ispi nejchaxoel: ‘Ampot, ia't, pachaema-el’ —aechi, nejchaxoel wut. Pe asew nejchaxoel wut japotliajwa, jumchiyaxael: ‘Ampot, ia't, kaes pejme pachaem’ —chiyaxaeli” —aechox Dios pejjamechan Jesúsliajwa.

8 Dios pejjamechan, chajia lelspos, jum-aech wut, jum-aechbejpox Jesúsliajwa:

“Japon, me-ama ia't, jiw tukbebalaliajwa fiapaliajwa” —aechox Dios pejjamechan, chajia lelspos.

Jasox jum-aech Dios pejjamechan, asew jiw naexasisaxil xot Jesús pejwujajan.

9 Dios xamal makanot sacerdoteliajwam, japon tanbichliajwambej. Xamal amwutjel kofam babijaxan isfulampoxan, Dios pejiwam xot. Samata, jiw naewujajnam puexa Dios ispoxanliajwa, xabich pachaempoxan. Majt xamal matabija-emil wutfuk Jesús pejwujajan, nejnejchaxoelaxan, me-ama itkua'nik, babijaxan isfulam xot. Ja-am wut, Dios xamal tadut naexasisliajwam Jesús pejwujajan. Amwutjellax chiekal duilafulam. Samata, nejnejchaxoelaxan pachaem xot, me-ama itliak wut, ja-aech, naexasisfulam xot Jesús pejwujajan. **10** Xamal majt Dios pejiwa-emil. Amwutjellax Dios pejiwam. Dios majt xamal beltae-el. Amwutjel Dios xamal chiekal beltaen.

Jesús pejwujajan naexasiti, japi jiw duil Dios tanbichliajwa

11 Takoew, xamal jum-an kaenanula chiekal nejchaxoelaliajwam: “Xan ampathatat lajaxaelen kaematkoianliajwa. Pelax xan asamatkoi dukaxaelen pomatkoicha Diosxotse” —chiliajwam, xamal nejchaxoelam wut. Samata, jnabej is babijaxan, xamal najut nejchaxoelampoxan! jNejchaxoelde isliajwam pachaempoxan! **12** Xamal duilam wut Dios naexasiselpixot, nanuamtam wutbej, japi suapich, jchiekal duilde! Japi jum-aech wut xamalliajwa: “Japi jiw, babejchow” —aech wuti xamalliajwa, asamatkoi japi jiw pajut chiekal matabijaxael, xamal isampoxan xabich pachaem. Samata, jawut japi jiw jumchiyaxael Diosliajwa: “Dios, jxam xabich pachaemam!” —chiyaxaeli, Dios kastika wut jiw, babijaxan ispi.

13 Xamal Dios pejjiwam xot, jpuexa paklochow, ampathatpijiw tato'alpi, naexasisfulde! jNaexasisfuldebej rey, puexa jiw tato'alpon, japon kaes pejme paklon xot! **14** jNaexasisfuldebej gobernadores! Japi to'as kastikaliajwa jiw, babijaxan ispi. To'asbejpi jumchiliajwa jiw, ispi pachaempoxan: “Xamal isampoxan xabich pachaem” —chiliajwapi jiwliajwa. **15** Dios nejxasink xamal isliajwam pachaempoxan. Ja-am wut, jiw nejliakla wejilaxaes xamal tasalaliajwa.

16 Amwutjel xatis nakwewe'pa-el naexasisliajwas Moisés chajia lelpox. Pe nejchaxoelaxisal isliajwas babijaxan. Samata, jchiekal duilafulde! Me-ama asew jiw, Dios pejjiwpi, chiekal duilaful, jxamalbej ja-amsfulde! **17** jPuexa jiw chiekal sitaembej! jNejxasinkdebej asew jiw, naexasiti Jesús pejwujajan! jChiekal sitaembej Dios! jSitaembej rey, japon puexa jiw tato'al!

Machiyaxaelpox, Jesús pejwujajan naexasiti, nabijat wut

18 Xamal esclavos, jchiekal sitaem naexasisliajwam nejpaklochow! jNejpaklochow tato'alpoxan puexa isde chiekal! jJa-amsfulde pomatkoicha, nejpaklochow pachaempi wut, o, pachaema-elpi wutbej! **19** Xamal is-emil wut babijax, pe nakiowa, nejpaklochow xamal kastika wut, jboejtaliasfulde! Japox asamatkoi pachaemaxael xamalliajwa, Dios wujnalelam wut. **20** Pelax xamal babijaxan isam wut, nejpaklochow kastika wut, xamal boejtaliatampox, japox Diosliajwa pachaemaxil. Pelax xamal isfulam wut pachaempoxan, pe nabijatam wut

boejtaliatampox, asamatkoi xamalliajwa xabich pachaemaxael, Dios wuajnalelam wut. **21** Dios xamal makanot nabijasliajwam, Cristo majt nabijat xot xamalliajwa. Cristo, babijax is-elon, nabijat. Samata, xamalbej nabijasaxaelam. **22** Cristo babijax is-el. Chinax kaen aton naekichachajba-elbejpon. **23** Asew jiw babejjamechan jumtis wut, Cristo jumnos-el babejjametat. Nabijat wutbejpon, japi jiw babijaxan is wut japonliajwa, thiya-elon. Cristolax tapaei japi Dios kastikaliajwas. Dios kastika wut jiw, babijaxan ispi, xabich babijaxan is-elpi, bijiat kastikaxaelon. Pelax jiw, xabich babijaxan ispi, japi xabich kastikaxaelon. **24** Cristo cruztat tup xatis kofaliajwas babijaxan isaspoxan, me-ama Dios nejxasink. Tupon xatis nakbu'welija, pachaemaliajwas Diosliajwa. **25** Majt xamal napeltam Diosliajwa. Me-ama oveja napeltpi, ja-am xamal. Amwutjel xamal Cristo pijaxtat Dios pejjiwam. Me-ama oveja tataefulpon chiekal tataeflaful pejew oveja, ja-aech Cristo, amwutjel xamal tataeflaful wuton.

Machiyaxaelpox nakjiyapi chiekal duilaliajwa

3 **1-2** Xamal watho'am, nejmolpim, naewuajnax chiekal naexasisliajwam nejmol. Nejmol, Jesús pejwuajan naexasis-elpon wut, pe xam laejasiam wut, ¡chiekal kaelel laejim japonxot, me-ama Jesús xamal tato'al! ¡Sitaembej Dios! Xamal, watho'am, ja-am wut, nejmoljiwbej pajut naexasisaxael Jesús pejwuajan, xamal naewuajna-emil wut. **3** Xamal watho'am, nejmolpim, nejchaxoelam wut, ¡nabej nejchaxoele!: “Xan kaes chamiowaliajwan chiekal matlapapu'waxaelen. Tajyiaftatbej duiyaxaelen xabich oro. Jachi-enil wut, xan naxoeyaxaelen yiafan, xabich ommaenkpi” —nabej aeche' xamal watho'am, nejchaxoelam wut! **4** Xamal watho'am, xabich chamiachwasiam wut, ¡nejchaxoelde pachaempoxan! ¡Naksiyambej chimiajamechan asew jiwliajwa! Ja-am wut, diachwuajnakolax xabich chamiachwaxaelam nejnejchaxoelaxantat. Pe japox jiw taeyaxil. Japoxbej toepaxil. Japoxlap kaes Dios nejxasink xamal watho'amliajwa. **5** Chajiakolaxtat asew watho', Dios sitaenpi, pejnechaxoelaxantat xabich chamiachowpi. Japi watho' isful Dios nejxasinkpoxan. Dios xanaboejafulbejpi. Chiekal naexasitbejpi, pamal to'as wut. **6** Ja-aechbej Sara, naexasisful wutow Abraham. Pamalliajwa jum-aech wut, jum-aechow: “Tajpaklon” —aechow. Samata,

xamal watho'am, me-ama Sara paxi wut, jachiyaxaelam, isfulam wut pachaempoxan, nejlewlaxil wutbej nejmachliajwa.

7Xamal poejwam, nejwatho'pim, kaenanula xamal naewuajna. ¡Nijow chiekal bu'laejim! ¡Nijow chiekal sitaembej, Dios japox to'a xot! Watho' pejpamamax najupa-el, poejiw pejpamamax suapich. Watho'bej pomatkoicha duilaxael Diosxotse. Samata, ¡xamal kaenanula poejwam chiekal sitaem nejwatho'! ¡Ja-amsfulde, xamal Dios kawuajnam wut Dios chiekal jumtaeliajwa!

**Jesús pejwuajan naexasiti nabijasaxaelpox,
asew jiw babijaxan is wut japiliajwa**

8 Xamal naexasitam Jesús pejwuajan. Samata, ¡xamal kaenejchaxoelaxde! Asew jiw xamalxot nejchaemil wut, ¡kajachawae'e japi nejchachaemlaliajwa! Asew jiw xamalxot nejchachaemil wutbej, ja-aech wut, ¡xamalbej nejchachaemilde, japi jiw suapich! ¡Nejxasinkdebej asew jiw! Me-ama nakoewkola nejxasinkam wut, ¡ja-amde asew jiwliajwa! ¡Nakaewa nabeltaembej! Nejchaxoelam wut, ¡nabej nejchaxoele! “Xan kaes pachaeman. Me-ama asew jiw, jachi-enil” —nabej aeche!, nejchaxoelam wut asew jiwliajwa! **9** Asew babijaxan is wut xamalliajwa, ¡xamallax nabej is babijaxan japi jiwliajwa! Asew jiw babejjamechan jum-aech wutbej xamalliajwa, ¡xamallax nabej jum-aech! babejjamechan japi jiwliajwa! ¡Asbuan jumch Dios chiekal kawuajande japi jiw Dios kajachawaesliajwas! Jasox Dios to'a xamal isliajwam, Dios kajachawaesliajwabej xamal. **10** Japoxliajwa Dios pejjamechan, chajia lelspos, jum-aech wut, jum-aechox:

“Xamal chiekal duilasiam wut, ¡nabej jum-aech! babejjamechan asew jiwliajwa! ¡Nabej kichachajbe'bej!

11 ¡Kofimbej babijaxan isampoxan! ¡Isfuldelax pachaempoxan! Nejchaxoelam wut, ¡nejchaxoelde chiekal, machiyaxaelam xamal pachaemaliajwam, asew jiw suapich!

12 ¡Ja-amsfulde, japi Dios tataefulas xot, isfulpi pachaempoxan! Japi Dios kawuajan wut, Dios chiekal naewech. Pelax Dios kastikaxael jiw, babijaxan ispi” —aech Dios pejjamechan, chajia lelspos.

13 Isfulam wut pachaempoxan, ja-am wut, asew jiw isaxil babijaxan xamalliajwa. **14** Pe nakiowa, xamal nabijatam wut,

asew jiw is xot babijax xamalliajwa, ¡chiekal nejchachaemilde!
 ¡Xamal nabej nejlewl'e'bej japi jiwliajwa! **15** ¡Pelax Cristo sitaem,
 wajpaklon xot! Nejchaxoelam wut, ¡majt chiekal nejchaxoelde
 jumnosliajwam, asew jiw xamal wuajnaem wut Dios
 xanaboexampoxanliajwa! **16** Asew jiw xamal wuajnaem wut,
 ¡chiekal jumno'e! ¡Japi jiw sitaembej! ¡Chiekal duilafuldebej,
 Cristo pejwuajan naexasitam xot! Samata, ¡najut chiekal mata-
 bijaxaelam xamal bu'wuajanjimilpox Diosliajwa! Ja-am wut,
 babejjamechan jum-aechpi xamalliajwa pajut nadasaxaeli, jum-
 aech xoti japoxan.

17 Dios nejxasink wut xamal nabijasliajwam, nawoesa
 kaes pejme pachaem xamal nabijasliajwam, isam wut
 pachaempoxan. Pe nabijatampox pachaemaxil, babijaxan isam
 wut. **18** Cristo nabijat, Dios nejxasink xot japon nabijasliajwa.
 Tupbejpon xatisliajwa. Japon tup wut, japox kaewecesliajwa,
 pomatkoichaliajwabejpon. Samata, pejme tupaxilon. Japon
 kaen xabich pachaem. Pe nakiowa, nabijat xatis babijaxan
 isaspoxanliajwa Dios nakbu'welialjwa. Japon diachwuajnakolax
 chiekal tup. Pe japon pej-espíritu tupa-el. **19** Jesús pej-espíritu
 fulaek jiw tupi pej-aelan jias poxadik, naewuajnalijwapon japi
 pej-aelan. **20** Japi jiw, tupi, chajia duil ampathatat, Noé laeje
 wut. Japi jiw naexasis-el, Noé naewuajan wut Dios pejjamechan.
 Noé barkam isful wut, Dios piach wuajnowet japi jiw naexa-
 sisliajwa Noé naewuajanpox. Pothata bu'al wut, jawut ocho
 jiw asbuan jumch wia barkamtat. **21** Jatisbej, xatis kaenanula
 nakbautisa wut mintat. Xatis mintat juls wut, jiw japox taen
 wut, matabija Dios nakbu'wiapox, Cristo tup xot cruztat xatis-
 liajwa. Nakbautisa-el asbuan jumch asjilialiajwas. Nakbautisalax
 puexa asew jiw matabijaliajwa, xatis Dios kawuajnaspis nak-
 beltaeliajwa babijaxan isaspoxanliajwa. Samata, wajpaklon
 Jesucristo tup wut, mat-echpon pejme dukaliajwa. Samata, xatis
 Dios nakbu'wia. **22** Jesucristo mat-ech wut, pejme duk wuton,
 fuloeipon athu poxase ekaliajwa pax Dios poklalel, Dios suapich,
 puexa jiw tato'laliajwa. Amwutjel, japon tato'al Dios pej-ángeles.
 Tato'albejpon puexa paklochow, Diosxotsepi.

Jesús pejwuajan naexasiti chiekal duilaxaelpox

4 Cristo ampathatat wut, asew jiw babijaxan is wut
 japonliajwa, xabich nabijaton. Xamalbej nejchaxoelam wut,

¡nejchaxoelde nabijasaxaelampox! Nabijatam wüt, ¡nabej nejchaxoele! babijaxan isliajwam! **2** Ampathatat laelpam wüt, ¡nabej is babijaxan nejchaxoelampoxan isliajwam! ¡Isfulde pachaempoxan Dios nejchachaemlaliajwa! **3** Majt Jesús pejwüajan naexasis-emil wütfuk, babijaxan isfulam, asew süapich. Me-ama Jesús pejwüajan naexasis-eli babijaxan is, ja-ambej xamal. Majt xabich nejchaxoelam asew watho' bü'moejsaxan. Fiestamatkoi wüt, xamal saxtbej. Nejbachantat saxa afam wüt, pasaxt. Ídolos kawüajnambej. Pe amwütjel, japoxan kofam. **4** Majt nejnachalapi, japi amwütjel matabija-el, ma-aech xot xamal kofam isampoxan, japi süapich. Samata, japi babejjamechan jüm-aechful xamalliajwa. **5** Asamatkoi, Dios pejwüajnael wüt, kaenanüla japi pajut jümchiyaxael, ma-aech xot babejjamechan jüm-aechi xamalliajwa. Japamatkoi wüt, Dios kastikaxael jiw laelpifuk, jiw tüpibej. **6** Samata, Jesucristo pajut naewüajan pejwüajan, chimiawüajan, tüpi pej-aelan pejtüajnúxotdik, japi napelsasamata Diosliajwa. Japatüajnúpijiw chajia tüpi, me-ama Dios waelt patüpax jiw tüpalapaliajwa.

7 Mox pawüajnalis ampathat toepaliajwa. Samata, ¡chiekal duilafulde babijax isasamatam! Dios kawüajnam wüt, ¡chiekal kawüajande! **8** Kaes pejme pachaempox, nakaewa nanejxasinkampox. Nakaewa nanejxasinkam wüt, ja-am wüt, xamalxot jiw babijaxan is wüt xamalliajwa, ¡japi beltaem! **9** ¡Xamal nakaewa chiekal nabü'külim nejbachantat! **10** Xamal kaenanüla Dios kajachawaet isliajwam asabichaxan, asew naexasiti Jesús pejwüajan kajachawaesliajwam. Samata, ¡xamal kaenanüla kajachawaesfulde asew jiw, Jesús pejwüajan naexasiti! **11** Dios naexasitpon, ¡japon nej naewüajne' asew jiw, me-ama Dios büxto'aspon jiw naewüajnalialjwa! Asanbej kajachawaet wüt asew jiw, ¡japon nej kajachawaes, Dios kajachawaech xoton! Xamal Cristo pejjiwam xot, ¡puexa chiekal isde asew jiw sitaelialjwa Dios! Dios, puexa jiw tato'al. Japon xabich mamnik pomatkoichialiajwa. ¡Jasox nej ja-aече' Diosliajwa!

Jesús pejwüajan naexasiti nejchachaemlaxaelpox, nabijat wüt

12 Takoew, ¡nabej belwe', nabijatam wüt, asew jiw babijaxan is wüt xamalliajwa! Majt xamal nabijasaxaelam Dios matabijslialjwa, diachwüajnakolax xamal japon chiekal xanaboejam wüt.

13 Xamal nabijatam wut, me-ama Cristo nabijat, ja-am wut, ¡xamal nejchachaemilde! Asamatkoi, Cristo fúloek wut puexa jiw tato'laliajwa, japox xamal taenam wut, ¡xabich nejchachaemilde!
14 Asew jiw babejjamechan jum-aech wut xamalliajwa, Jesús pejwúajan naexasitam xot, jawut Dios pej-Espíritu Santo, xabich pachaempon, xamal chalaxael. Samata, ¡nejchachaemilde!
15 Asew jiw nabijat, ba xoti asew jiw, natkowa xotbejpi asew jiw pejew, matxandadut xotbejpi asew jiw pijaxan. ¡Xamal jasox nabej is, jasoxtat nabijasamatam! **16** Xamal nabijatam wut, naexasitam xot Jesús pejwúajan, ¡xamal nabej nadale! Ja-am wut, ¡gracias-amde Diosliajwa, xamal makanot xoton naexasis-liajwam Jesús pejwúajan!

17 Mox pawúajnalis Dios jumchiliajwa jiw kaenanula ispoxanliajwa. Xatis, Dios pejjiws, matxoela nakjumchiyaxaelon kaenanula isaspoxanliajwa. Do jawux, jiw naexasis-elpi Dios pejjamechan, japi jiw kaenanula jumchiyaxaes ispoxanliajwa. Do jawut, kastikaxaesbejpi. **18** Jiw pachaempi Dios bu'weliajwas tampoel wut, ¿machiyaxaelkatlax babejchow bu'weliajwas, japi naexasis-elpi Dios? Diachwúajnakolax japi jiwlap napelsaxael Diosliajwa. **19** Dios nejxasink wut, xamal nabijasaxaelam. Ja-am wut, ¡isde pachaempoxan! ¡Dios xanaboejimbej xamal kajacha-waesliajwa! Dios xamal is duilaliajwam ampathatat. Japon jumdut wut, diach ji-isbejpon.

Naewúajnaxan paklochowliajwa, Jesús pejwúajan naexasiti

5 Ma amwut naewúajnaxaelen nejpaklochow, japi nej-ancianos. Japi ancianos tataeflaful kaenanula xamal, Jesús pejwúajan naexasitampim. Xanbej ancianowan. Me-ama japi, ja-anbej xan. Xan taenx, Cristo nabijat wut, tɔp wuton cruztat. Asamatkoi, Cristo pejme pask wut tato'laliajwa, jawut xanbej naktato'laxaelen, ancianos suapich. **2** Xamal ancianos, ¡chiekal tataefulde naexasiti Jesús pejwúajan! Japi jiw, me-ama oveja, ja-aech. Dios xamal to'a japi jiw chiekal tataeflaliajwam. Samata, ¡chiekal tataefulde! Me-ama Dios nejxasink tataeflaliajwam, ¡ja-amsfulde! Nejchaxoelam wut, ¡nabej nejchaxoele: “Xan nejwesla japi jiw tataeflaliajwan. Pe nakiowa, tataeflax, Dios nato'a xot” —nabej aeche', nejchaxoelam wut! ¡Nabej nejchaxoele'bej: “Namot wut, chiekal tataeflaxaelen” —nabej

aeche', nejchaxoelam wüt! **3** Xamal Dios to'a japi jiw chiekal tataeflaliajwam. Tato'lam wüt, ¡chiekal tato'alde! Me-ama asew paklochow, jiw tato'al wüt, tato'ali, me-ama pej-esclavos wüt, ja-aechi pejjiwliajwa. ¡Xamallax nabej ja-aeche' jasox! ¡Jesús pejwüajan naexasiti, japi jiw chiekal tato'alde, japi jiw xamal nakxataeliajwa! **4** Cristo wajpaklokolan, japon naktato'al puexa japon pejwüajan naexasichpis. Samata, pask wüton, japon xamal kaenanüla chaxduiyaxael corona, xabich pachaempox. Japox pomatkoichaliajwa. Toepaxilpox.

5 Ma amwüt naewüajnaaxaelenbej, xamal pansiachwam. Ancianos xamal tato'al wüt, ¡chiekal naexasi'e! Kaenanüla nakaewa nakajachawaetam wüt, nejchaxoelam wütbej, ¡nejchaxoelde: “Xan kaes pejme pachaema-enil. Me-ama asew jiw, pachaempi, xan jachi-enil” —amde, nejchaxoelam wüt! Dios pejjamechan, chajia lelspx, jüm-aech:

“Dios nejwesla jiw jüm-aechpi: ‘Xan kaes pejme pachae-man. Me-ama asew jiw, pachaema-elpi, jachi-enil’ —aechpi. Pelax Dios kajachawaet jiw jüm-aechpi: ‘Xan kaes pejme pachaema-enil. Me-ama asew jiw, pachaempi, xan jachi-enil’ —aechpi” —aechox Dios pejjamechan, chajia lelspx.

6 Samata, xamal, Dios mamnikpon matabijam xot, nejchaxoelam wüt, ¡nejchaxoelde: “Xan kaes pejme pachaema-enil. Me-ama asew jiw, pachaempi, jachi-enil” —amde, nejchaxoelam wüt! Asamatkoi, japon xamal kajachawaet wüt, jiw xamal sitaeyaxael. **7** ¡Dios kawüajande xamal wewe'ppoxan kajachawaesliajwa, Dios xamal tataeflafül xot! Samata, xabich nejchaxoelam wüt, ¡nejchaxoelde japoxanliajwa!

8 Xamal, naexasitampim Jesús pejwüajan, ¡chiekal taem! Nuth chachoel, jümbü'a wüt. Nuth choefan jalwek xaeliajwa. Nadaelman Satanás, ja-aechbej, nanüamt wüt tabejsliajwapon xamal, Dios xanaboejampim. **9** Satanás xamal naekichachajbasia wüt, xamal naekichachajbasamata, ¡Dios chiekal xanaboejim! Xamal matabijam, potüajnücha wajkoew, naexasiti Jesús pejwüajan, xabich nabijat. Me-ama xamal nabijatam wüt, ja-aech japi. **10** Xamal kaematkoivan nabijatam wüt, Dios kajachawaesaxael chiekal pachaemaliajwam, Dios kaes xanaboejaliajwambej. Dios nejxasink xot, nakmakanot pomatkoicha duilaliajwas Diosxotse, xatis Jesucristo pejjiws

xot. **11** Dios puexa jiw tato'laxael pomatkoicha. ¡Jasox nej ja-aeche' Diosliajwa!

**Pedro toesliajwa wut ampacarta, saludo
xato'apox Jesús pejwujajan naexasitiliajwa**

12 Silvano, me-ama takoewan, japon naexasit xot Jesús pejwujajan. Silvano nakajachawaet ampox carta, cha-aelaxach, lelaliajwan, xamal poxade xato'aliajwan. Ampox xamal chiekal naewujajna x Jesús pejwujajan chiekal naexasitiliajwam. Dios xatis chiekal nakkajachawaesful xot, matabijas, diachwujajnakolax Dios naknejxasink. Samata, ¡nabej kofe' Dios xanaboejampox!

13 Jesús pejwujajan naexasiti, Babilonia paklowaxpijiw, xato'a saludos xamalliajwa. Japi Dios makanoch pejiwaliajwa, me-ama xamal, jachiliajwa. Marcosbej, xato'a saludos xamalliajwa. Japon Marcos, me-ama taxulan wut, ja-aechon. **14** ¡Xamal nakaewa chiekal nasaludam, nakaewa chiekal nanejxasinkam xot, Jesús pejwujajan naexasitam xot!

Puexa xamal nejxasinkax chiekal duilaliajwam, a sew jiw suapich.